

# ‘OKÚ NE MO‘UI!

*Na’e fakahoko ‘e he Palōfita ko Siosefa Sāmitá ha fakamo’oni fakaonopooni ki he Sīsū Kalaisi kuo toetu’ú.*

## Tokāteline mo e Ngaahi Fuakava 76:22–24

**22** Pea ko ‘eni, hili ‘a e ngaahi fakamo’oni lahi kuo fai ‘o kau kiate iá, ko e fakamo’oni fakamuimui taha ‘eni, ‘a ia ‘okú ma fai ‘o kau kiate iá: **‘Okú ne mo’ui!**

**23** He **na’á ma mamata kiate ia**, ‘io ‘i he **to’ukupu to’omata’u** ‘o e ‘Otuá; peá ma fanongo ki he léo ‘oku fakamo’oni ko ia ‘a e **‘Alo pē Taha na’e Fakatupu ‘o e Tamai**—

**24** Pea ‘oku fakatupu pea na’e fakatupu ‘e ia, pea ‘iate ia, pea meiate ia, **‘a e ngaahi māmá**, pea ko hono **kakai ‘o iá** ko e ngaahi foha mo e ngaahi ‘ofefine kuo fakatupu ki he ‘Otuá.

## ‘Okú Ne mo’ui!

Ko e kau fakamo’oni ‘o Sīsū Kalaisi ‘a e kau palōfitá mo e kau ‘apostoló. ‘Oku nau fakamo’oni náá Ne mamahi, pekia, pea toe mo’ui he ‘ahó ni.

## Na’á ma mamata kiate ia

‘I he ‘aho 16 ‘o Fēpueli, 1832, na’e mamata ‘a Siosefa Sāmita mo Sitenei Likitoni kia Sīsū Kalaisi ‘i ha me’a-hā-mai.

## To’ukupu to’omata’ú

‘I he ngaahi anga fakafonua ‘o e Tohi Tapú, ko e nima to’omata’ú ko e feitu’u ia ‘o e lāngilangi ‘i ha kátoanga kai pe ha me’a mamalu na’e fakahoko. Na’e fa’a foaki ia ki he ‘ea-hoko ‘o e pule’angá pe falé.

## Ko e ‘Alo Pē Taha na’e Fakatupu ‘o e Tamai

Na’e ‘alo’i ‘a Sīsū Kalaisi ‘i māmani. Ko ‘Ene fa’éé ‘a Mele, pea na’e fakafou ‘i ha mana, na’e hoko ‘a e Tamai Hēvaní ko e tamai ‘a Hono sino fakamatelié. Ko Sīsū Kalaisi toko taha pē na’e ‘alo’i mai ‘i he founga ko ‘eni. Na’e tokoni ‘eni ke Ne lava ai ‘o hoko ko hotau Fakamo’uí.

## ‘Oku fakatupu pea na’e fakatupu ‘a e ngaahi māmá

Ko Sīsū Kalaisi ‘a e Fakatupú. Na’á Ne fakatupu ‘a e māmani ko ‘eni mo e ngaahi maama kehé.

## Kakai ‘o iá

‘Oku ‘i ai ‘a e fānau ‘a e Tamai Hēvaní ‘i he ngaahi maama kehé, pea ko Sīsū Kalaisi foki ‘a honau Fakamo’uí.